

ერთის მხრივ, სსიპ სახელმწიფო სამხედრო სამეცნიერო-ტექნიკური ცენტრი „დელტა“ (შემდგომში „შემსყიდველი“) ----- სახით და მეორეს მხრივ, ----- (შემდგომში „მიმწოდებელი“) და მეორეს მხრივ, ----- წარმოდგენილი მისი დირექტორის ----- სახით, სატენდერო წინადადების საფუძველზე, სსიპ სახელმწიფო სამხედრო სამეცნიერო-ტექნიკური ცენტრი „დელტა“-ს თანამშრომლების, რომლებიც საქართველოს მთავრობის 2018 წლის 27 ივლისის #381 დადგენილების შესაბამისად ასრულებენ „მომეტებული საფრთხის შემცველ, მძიმე, მავნე და საშიშპირობებიან სამუშაოებს“ უბედური შემთხვევის დაზღვევის მიზნით ელექტრონული ტენდერის (-----) ჩატარების შედეგად დებენ წინამდებარე სახელმწიფო შესყიდვის ხელშეკრულებას შემდეგზე:

1. ხელშეკრულების საგანი

წინამდებარე ხელშეკრულება ითვალისწინებს მზღვევლის ვალდებულებას დამზღვევის მიერ ამ სადაზღვევო ხელშეკრულებით და მის საფუძველზე გაცემული სადაზღვევო პოლისით განსაზღვრული პრემიის პოლისით დადგენილი გადახდის გრაფიკის დაცვის სანაცვლოდ გასწიოს წინამდებარე ხელშეკრულების დანართი # ---ით და სადაზღვევო პირობები - დანართი # ---ით განსაზღვრული სადაზღვევო მომსახურება, ხელშეკრულებით და დანართებით გათვალისწინებული პირობებითა და წესით.

2. განსაზღვრებანი

2.1. ქვემოთ მოცემული ყოველი განსაზღვრება ინარჩუნებს აღნიშნულ მნიშვნელობას ამ დოკუმენტის ნებისმიერ ნაწილში.

2.2. მზღვეველი – სს „-----“.

2.3. დაზღვეული – წინამდებარე ხელშეკრულების საფუძველზე და ხელშეკრულებით დადგენილი წესით დაზღვეული 80 წლამდე ასაკის პიროვნება, რომლის სიცოცხლე და ჯანმრთელობა დაზღვეულია უბედური შემთხვევისგან წინამდებარე ხელშეკრულების და მისი დანართებით გათვალისწინებული პირობების თანახმად, სანამ ის მოქმედი კანონმდებლობით დადგენილი წესით შრომით ურთიერთობაში იმყოფება დამზღვევთან.

2.4. დამზღვევი – სადაზღვევო პოლისში მითითებული ფიზიკური ან იურიდიული პირი, რომელიც მზღვეველთან აფორმებს ხელშეკრულებას და ვალდებულებას იღებს სრულად გადაიხადოს სადაზღვევო პრემია ხელშეკრულებით/პოლისებით დადგენილი წესით.

2.5. მოსარგებლე – დაზღვეულის, სიცოცხლის დაზღვევით გათვალისწინებული სადაზღვევო ანაზღაურების მიღების უფლებამოსილების სამკვიდრო მოწმობის მქონე მემკვიდრეები.

2.6. სადაზღვევო შემთხვევა – სადაზღვევო ხელშეკრულებით გათვალისწინებული შემთხვევა, რომლის შედეგადაც წარმოიშობა მზღვევლის ვალდებულება გადაუხადოს სადაზღვევო თანხა დაზღვეულს (მოსარგებლეს).

2.7. უბედური შემთხვევა – დამზღვევისგან/დაზღვეულისაგან დამოუკიდებელი, თვალსაჩინო გარე ძალების ზემოქმედებით სამუშაო პროცესში ან სამუშაო პროცესთან დაკავშირებით მომხდარი გაუთვალისწინებელი და უეცარი შემთხვევა, დამდგარი სადაზღვევო პოლისით განსაზღვრულ დაზღვევის პერიოდში, რომელსაც შედეგად მოჰყვა დასაქმებულის ჯანმრთელობის დაზიანება, შრომისუნარიანობის შეზღუდვა ან დაკარგვა, გარდაცვალება ან მისი უგზო-უკვლოდ დაკარგულად აღიარება.

2.7.1. საშუალო სიმძიმის უბედური შემთხვევა – უბედური შემთხვევის გამო თანამშრომლის ჯანმრთელობის დაზიანება შრომისუნარიანობის დაკარგვით 3 დღიდან 40 დღემდე;

2.7.2. მძიმე უბედური შემთხვევა – უბედური შემთხვევის გამო მუდმივი შრომისუნარიანობის განვითარება ან ჯანმრთელობის მძიმე დაზიანება ან/და დროებითი შრომისუნარიანობის განვითარება 40 კალენდარულ დღეზე მეტი ხნით;

2.7.3. ფატალური უბედური შემთხვევა – უბედური შემთხვევის გამო თანამშრომლის სამუშაო ადგილზე ან უბედური შემთხვევიდან 1 წლის განმავლობაში გარდაცვალება;

2.7.4. მასობრივი უბედური შემთხვევა – უბედური შემთხვევის გამო 3 ან მეტი თანამშრომლის დაშავება, მათ შორის, 1 მძიმე უბედური შემთხვევა ან 1 ფატალური უბედური შემთხვევა.

2.8. დროებითი შრომისუნარიანობა – მხოლოდ უბედური შემთხვევით რაიმე სხვა მიზეზისგან დამოუკიდებლად გამოწვეული სხეულის დაზიანების/ჯანმრთელობის გაუარესების მიზეზით სრული შრომისუნარიანობის დადგომით გამოწვეული სახლში/სამედიცინო დაწერებულებაში ყოფნა.

2.9. მუდმივი შრომისუნარობა – მხოლოდ უბედური შემთხვევით რაიმე სხვა მიზეზისგან დამოუკიდებლად გამოწვეული სხეულის დაზიანება, რომელიც უბედური შემთხვევის დღიდან მინიმუმ 12 კალენდარული თვის განმავლობაში გამოიწვევს დაზღვეულის შრომისუნარიანობის სრულ მუდმივ დაკარგვას, როგორც ეს განსაზღვრულია დანართში.

2.10. გარდაცვალება – უბედური შემთხვევის დღიდან 12 კალენდარული თვის განმავლობაში მომხდარი, უშუალოდ ამ უბედური შემთხვევით გამოწვეული დაზღვეულის გარდაცვალება.

2.11. გადაუდებელი სამედიცინო დახმარება - ითვალისწინებს უბედური შემთხვევების დროს საჭირო სამედიცინო მომსახურებას, რომელიც დაზღვეულს უნდა გაეწიოს შემთხვევის დადგომიდან არაუგვიანეს 48 საათისა.

2.12. სადაზღვევო პერიოდი – სადაზღვევო პოლისში მითითებული დაზღვევის მოქმედების პერიოდი.

2.13. სადაზღვევო თანხა – პოლისით გათვალისწინებული მზღვეველის პასუხისმგებლობის მაქსიმალური ლიმიტი, რომლის ფარგლებშიც ხორციელდება სადაზღვევო ანაზღაურების გადახდა.

2.14. მიმდინარე სადაზღვევო თანხა – სადაზღვევო შემთხვევის მომენტისათვის, პოლისში მითითებული სადაზღვევო თანხის ნაწილი, რომელიც დარჩა წინა სადაზღვევო შემთხვევების ანაზღაურების შემდეგ.

2.15. სადაზღვევო ლიმიტი პიროვნებაზე – ანაზღაურების მაქსიმალური ლიმიტი თითოეულ დასაქმებულზე, შესაბამისი საქმიანობის კლასის მიხედვით, როგორც ეს მითითებულია პოლისში.

2.16. სადაზღვევო ლიმიტი ერთ შემთხვევაზე - ანაზღაურების მაქსიმალური ლიმიტი, რომლის გადახდის ვალდებულება წარმოიშობა ერთი მიზეზით გამოწვეული და დროის ერთ მონაკვეთში მომხდარი სადაზღვევო ხელშეკრულებით გათვალისწინებული უბედური შემთხვევისას. იგი დაანგარიშდება მიმდინარე სადაზღვევო თანხის ფარგლებში.

2.17. სადაზღვევო პრემია – პოლისში მითითებული თანხა, რომელსაც დამზღვევი უხდის მზღვეველს სადაზღვევო მომსახურებაში.

2.18. ტერიტორიული ფარგლები – დაზღვევა ფარავს მხოლოდ საქართველოს ტერიტორიაზე სამუშაო სივრცეში მომხდარ უბედური შემთხვევებს, თუ სხვაგვარად არ არის მითითებული პოლისში. ამათან სამუშაო სივრცე გულისხმობს ყველა სამუშაო ადგილისა და იმ ტერიტორიის ერთობლიობას, სადაც დასაქმებულები იმყოფებიან/გადაადგილდებიან სამსახურებრივი დანიშნულებით.

3. ძირითადი დებულებები

3.1. ხელშეკრულების დადების საფუძველია და წინამდებარე დაზღვევა, რომელიც ეფუძნება უბედური შემთხვევის დაზღვევის განაცხადში დამზღვევის მიერ მითითებულ ინფორმაციას. თუ მზღვეველს საქართველოს კანონმდებლობისა და ამ ხელშეკრულების შესაბამისად არ მიეწოდა ინფორმაცია და/ან ინფორმაცია შეიცავდა არასწორ მონაცემებს, მაშინ მზღვეველი თავისუფლდება სადაზღვევო ხელშეკრულებით და მის საფუძველზე გაცემული სადაზღვევო პოლისებით ნაკისრი ვალდებულების შესრულებისაგან.

3.2. უბედური შემთხვევის დაზღვევის განაცხადი, წინამდებარე ხელშეკრულების დანართები (დანართი #--- და დანართი #--- - დაზღვევის პირობები; დანართი #--- - დაზღვეულთა სია), ცვლილებები, წარმოადგენს წინამდებარე ხელშეკრულების განუყოფელ ნაწილს.

4. სადაზღვევო პრემია, მისი მიღება-ჩაბარების, გადახდის წესი და პირობები

4.1. მხარეები, მიმდინარე თვის დაზღვეულთა და სადაზღვევო პრემიის რაოდენობის შესახებ მიღება-ჩაბარების აქტს აფორმებენ მომდევნო თვის 15 რიცხვამდე.

4.2. ანგარიშსწორება განხორციელდება ყოველთვიურად, მიღება-ჩაბარების აქტის გაფორმებიდან, 10 სამუშაო დღის განმავლობაში, საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენის საფუძველზე.

4.3. ანგარიშსწორების ფორმა: უნაღდო;

4.4. ანგარიშსწორების ვალუტა: ლარი.

5. სადაზღვევო თანხა და სადაზღვევო ლიმიტი:

სადაზღვევო თანხა მთლიანობაში და სადაზღვევო ლიმიტი პიროვნებაზე მითითებულია პოლისში.

6. ხელშეკრულების ცვლილებების განხორციელებისა და შეწყვეტის პირობები

6.1. დაზღვეულ პირთა დამატება-გაუქმება ხორციელდება დამზღვევის მიერ მოწოდებული სიის შესაბამისად.

6.2. დაზღვეულ პირთა სიაში ცვლილებების (დამატება, გაუქმება) მოთხოვნა მზღვეველს უნდა ეცნობოს ელექტრონული პორტალის საშუალებით (რომელიც დაზუსტდება ხელშეკრულების გაფორმების ეტაპზე) ან წერილობით, მზღვეველის მიერ მითითებული ფორმით, დაზღვეული პირის დანიშნვიდან ან გათავისუფლების თარიღიდან 5 (ხუთი) სამუშაო დღის განმავლობაში;

6.3. დაზღვეულ პირთა სიაში დამატების შესახებ შეტყობინება უნდა მოიცავდეს შემდეგ ინფორმაციას: დაზღვეულის (თანამშრომლის) სახელი, გვარი; პირადი ნომერი; დაბადების თარიღი; მისამართი, ტელეფონი; სამუშაო ადგილი და თანამდებობა; სამსახურებრივი სტატუსი; სამსახურში აყვანის თარიღი და სამსახურში აყვანის ბრძანების ან ასეთის არ არსებობის შემთხვევაში შრომითი ხელშეკრულების ნომერი;

6.4. დაზღვეულ პირთა სიაში გაუქმების შესახებ წერილობითი შეტყობინება უნდა მოიცავდეს შემდეგ ინფორმაციას: დაზღვეული (თანამშრომლის) სახელი, გვარი; პირადი ნომერი; დაბადების თარიღი; სამსახურიდან განთავისუფლების თარიღი და სამსახურიდან განთავისუფლების ბრძანების ნომერი;

6.4. ხელშეკრულების მოქმედების განმავლობაში, დაზღვეული პირის სსიპ სახელმწიფო სამხედრო სამეცნიერო-ტექნიკური ცენტრი “დელტაში” თანამდებობაზე დანიშვნის ან დაკავებული თანამდებობიდან გათავისუფლების შემთხვევაში, ამ დაზღვეული პირის აღნიშნული საანგარიშო თვის სადაზღვევო პრემიის დაანგარიშება და გადახდა მოხდება, იმ დღეების რაოდენობის გათვალისწინებით, რომლის განმავლობაშიც იგი ამ საანგარიშო თვეში იყო დასაქმებული სსიპ სახელმწიფო სამხედრო სამეცნიერო-ტექნიკური ცენტრი “დელტაში”.

6.5. დაზღვეული თანამშრომლის დაზღვევის ვადაზე ადრე გაუქმება ხორციელდება მხოლოდ ამ ხელშეკრულებით პირდაპირ გათვალისწინებულ შემთხვევაში.

7. მხარეთა უფლება – მოვალეობები

7.1. მზღვეველი ვალდებულია:

7.1.1. სადაზღვევო შემთხვევის დადგომის შემთხვევაში, სადაზღვევო შემთხვევის დადგენისა და სადაზღვევო ანაზღაურების ოდენობის განსაზღვრისათვის დამზღვევის/დაზღვეულის მიერ ყველა საჭირო დოკუმენტის წარმოდგენის შემდგომ შეასრულოს დაზღვევით ნაკისრი ვალდებულება დროულად და ჯეროვნად;

7.1.2. დაიცვას და არ გაახმაუროს დამზღვევთან საქმიანი ურთიერთობების შედეგად მოპოვებული ინფორმაცია, გარდა საქართველოს კანონით პირდაპირ გათვალისწინებული შემთხვევებისა.

7.2. მზღვეველი უფლებამოსილია:

7.2.1. დამზღვევის მხრიდან ხელშეკრულების დარღვევის შემთხვევაში შეაჩეროს და/ან შეწყვიტოს სადაზღვევო ხელშეკრულება.

7.2.2. არ გასცეს სადაზღვევო ანაზღაურება დამზღვევის სადაზღვევო კითხვარი-განაცხადში დამზღვევის მიერ ინფორმაციის არასწორად მითითების ან/და ხელშეკრულების პირობების დარღვევის შემთხვევაში.

7.2.3. მომსახურების ხარჯების ანაზღაურების გაცემის შემდეგ, მზღვეველი იტოვებს უფლებას მოითხოვოს შესაბამისი ხარჯების კომპენსაცია იმ პირთაგან, რომლებიც პასუხისმგებელნი არიან დაზღვეულის სიცოცხლისთვის/ჯანმრთელობისთვის მიყენებულ ზიანზე.

7.3. ხელშეკრულებით გათვალისწინებულ ურთიერთობებს შემსყიდველის მხრიდან განახორციელებს ----- ჯგუფი, რომელთა მიერ შემოწმდება რამდენად დაცულია ხელშეკრულების მიხედვით მზღვეველის მიერ ამ ხელშეკრულებით ნაკისრი ვალდებულებები და პირობები.

7.4. დამზღვევი ვალდებულია:

7.4.1. დამზღვევი ვალდებულია გადაიხადოს სადაზღვევო პრემია სრულად.

7.4.2. დაზღვევის გაფორმებისას "დამზღვევი" ვალდებულია აცნობოს "მზღვეველს" ყველა მისთვის ცნობილი ინფორმაცია, რომელსაც არსებითი მნიშვნელობა აქვს საფრთხის ან დაზღვევით გათვალისწინებული შემთხვევის დადგომისათვის, მათ შორის "დაზღვეულის" ჯანმრთელობასთან და/ან მის საქმიანობასთან დაკავშირებული ინფორმაცია. აგრეთვე ინფორმაცია ისეთი გარემოებების შესახებ, რომლებსაც შეუძლიათ გავლენის მოხდენა "მზღვეველის" გადაწყვეტილებაზე უარი თქვას წინამდებარე დაზღვევაზე ან დადოს იგი შეცვლილი შინაარსით.

7.4.3. მიაწოდოს მზღვეველს ინფორმაცია დაზღვეულთა (რაოდენობა, სახელები, გვარები და სხვა) შესახებ, ხელშეკრულების გაფორმებიდან 3 (სამი) სამუშაო დღის განმავლობაში.

7.4.4. სადაზღვევო შემთხვევის დადგომის შემდეგ შეასრულოს მზღვეველის ყველა კანონიერი მითითება, რაც უკავშირდება სადაზღვევო შემთხვევის ან მოვლენის ასევე ზიანის მოცულობის დადგენას, სადაზღვევო შემთხვევის დადგომასთან და მის შედეგებთან დაკავშირებული მონაცემების მოკვლევა-მოძიებას.

7.4.5. დაზღვეული პირის სამსახურიდან წასვლის შემთხვევაში შეატყობინოს მზღვეველს წინამდებარე ხელშეკრულებით განსაზღვრული ინფორმაცია.

7.4.6. საჭიროების შემთხვევაში გადასცეს მზღვეველს დაზღვეული თანამშრომლის შესახებ დოკუმენტაცია, რომელიც დაადასტურებს თანამშრომლის დამზღვევთან შრომით ურთიერთობაში ყოფნას.

7.4.7. სადაზღვევო მომსახურების კოორდინაციის მიზნით გამოყოს მზღვეველთან საკონტაქტო პირი.

7.4.8. სადაზღვევო შემთხვევის დადგომის შემთხვევაში ხელშეკრულებით დადგენილი წესით და ვადებში აცნობოს ამის შესახებ მზღვეველს.

7.4.9. დეტალურად გააცნოს წინამდებარე დაზღვევის პირობები დაზღვეულებს/მოსარგებლებს; მათ შორის ვალდებულებები, რომ დაზღვეულებმა/მოსარგებლებმა შეატყობინონ მზღვეველს პოლისში მითითებულ ნომერზე სადაზღვევო შემთხვევის დადგომის შესახებ (გარდა იმ შემთხვევებისა, როდესაც ობიექტური გარემოებების გამო შეტყობინება შეუძლებელია).

7.5. დამზღვევი უფლებამოსილია:

7.5.1. სადაზღვევო შემთხვევის დადგომისას მოითხოვოს მზღვეველისაგან ზარალის ანაზღაურება წინამდებარე ხელშეკრულების შესაბამისად.

7.5.2. სადაზღვევო პოლისის დაკარგვის ან განადგურების შემთხვევაში, დამზღვევი უფლებამოსილია მოითხოვოს პოლისის ასლი, რომელსაც გასცემს მზღვეველი. ამის შემდეგ დაკარგული პოლისი უვარგისად ჩაითვლება, ხოლო ასლის გაცემასთან დაკავშირებულ ყველა ხარჯს გაიღებს დამზღვევი.

7.5.3. "მზღვეველის" მიერ წინამდებარე ხელშეკრულებით გათვალისწინებული ნებისმიერი ვალდებულების შეუსრულებლობის/არაჯეროვანი შესრულების შემთხვევაში, წერილობით მოითხოვოს "მზღვეველისაგან" პირგასამტეხლო ხელშეკრულების ღირებულების 0.20%-ს ოდენობით თითოეული ვადაგადაცილებული დღისათვის; პირგასამტეხლო გადაიხდება დამატებით, მზღვეველის მიერ საკუთარი ვალდებულების მიუხედავად და პირგასამტეხლოს გადახდა არ ათავისუფლებს "მზღვეველს" მის მიერ წინამდებარე ხელშეკრულებით ნაკისრი ნებისმიერი ვალდებულების შესრულებისაგან.

8. მხარეთა პასუხისმგებლობა

8.1. წინამდებარე ხელშეკრულებით ნაკისრი ვალდებულებების შეუსრულებლობისათვის მხარეები პასუხს აგებენ ამ ხელშეკრულების და საქართველოს კანონმდებლობის შესაბამისად.

8.2. მზღვეველი არ არის პასუხისმგებელი დაუზღვეველი შემთხვევების, აგრეთვე ნებისმიერი სახის მომსახურების ხარჯების ანაზღაურებაზე, რომელის არ არის გათვალისწინებული წინამდებარე ხელშეკრულებით.

9. ხელშეკრულების მოქმედების ვადა და შეწყვეტის პირობები:

9.1. წინამდებარე ხელშეკრულება ძალაში შედის ხელმოწერის თარიღიდან.

9.2. დაზღვევა ძალაში შედის პოლისით განსაზღვრული დაზღვევის მოქმედების პირველი დღის 00.00 საათიდან და მოქმედებს ამავე პოლისით განსაზღვრული დაზღვევის მოქმედების ბოლო დღის 24:00 საათამდე

10. დავების გადაწყვეტა

10.1. მხარეებმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა,

წარმოიქმნილი მათ შორის ხელშეკრულების ან მასთან დაკავშირებული სხვა საკითხების მიმართ.

10.2. წინამდებარე ხელშეკრულების შესრულებასთან დაკავშირებული დავების შემთხვევაში მხარეები უთანხმოების მოგვარებისათვის ხელშეწყობის მიზნით მიმართავენ „დაზღვევის მედიაციას“ სატელეფონო ხაზის მეშვეობით ნომერზე: +995 ----- ან ელექტრონულ მისამართზე:-----

10.3. თუ მხარეები მედიაციის სამსახურის მეშვეობით ვერ შეძლებენ შეთანხმების მიღწევას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს.

10.4. გამომდინარე იქედან, რომ მხარეთა მიერ ხელშეკრულების შესრულების ადგილად მიჩნეულია მზღვეველის ადგილსამყოფელი, დავის განხილვა მოხდება მზღვეველის ადგილსამყოფელის მიხედვით არსებულ საერთო სასამართლოში.

11. ფორს-მაჟორი

11.1. არც ერთი მხარე პასუხს არ აგებს წინამდებარე ხელშეკრულებით ნაკისრი ვალდებულებების

შეუსრულებლობაზე,

არადროულად ან/და არასათანადოდ შესრულებაზე, თუ აღნიშნული შეუსრულებლობა, არასათანადო ან არადროული შესრულება განპირობებულია დაუძლეველი ძალის გარემოებათა (ფორს-მაჟორულ გარემოებათა) დადგომის ან/და მოქმედების შედეგად. აღნიშნული ვალდებულება ძალაში შედის დაუძლეველი ძალის გარემოებათა გაუქმებისთანავე.

11.2. დაუძლეველი ძალის გარემოებები გულისხმობს საგანგებო ხასიათის მქონე მოვლენებს, რომლებიც წარმოიქმნა წინამდებარე ხელშეკრულების დადების შემდეგ, მხარეთა (მხარის) ნების გარეშე, კერძოდ: სტიქიური მოვლენები და კატაკლიზმები, ომი, სამოქალაქო არეულობა, სახელმწიფო ხელისუფლების საკანონმდებლო ან/და აღმასრულებელი ორგანოების, საერთაშორისო საგადამხდელო სისტემების გადაწყვეტილებები და ა.შ. რაც შეუძლებელს ხდის მხარეთა სახელშეკრულებო ვალდებულების შესრულებას.

11.3. მხარე, რომელიც განიცდის ფორს-მაჟორული გარემოებების ზემოქმედებას, ვალდებულია დაუყოვნებლივ, წერილობითი ფორმით აცნობოს მეორე მხარეს ფორს-მაჟორულ გარემოებათა და მათი დადგომის შესახებ და მიიღოს

აუცილებელი ზომები ამ გარემოებებით გამოწვეული ნეგატიური შედეგების შესამცირებლად. ანალოგიური მოთხოვნები ვრცელდება აგრეთვე ფორს-მაჟორული გარემოებებისა და მათი შედეგების შეწყვეტის შესახებ შეტყობინებაზეც.

11.4. ფორს-მაჟორული გარემოებების არსებობა დადასტურებული უნდა იქნას ოფიციალური/უფლებამოსილი ორგანოს მიერ გაცემული ცნობით. ამასთან, საყოველთაოდ ცნობილი ფორს-მაჟორული გარემოებები არ საჭიროებს რომელიმე ორგანოს მხრიდან წერილობით დადასტურებას.

11.5. ფორს-მაჟორული გარემოებების დადგომის შემთხვევაში, წინამდებარე ხელშეკრულებით გათვალისწინებული ვალდებულებების შესრულების ვადა გაგრძელდება დაუძლეველი ძალის მოქმედების დროის შესაბამისად.

12. დამატებითი პირობები

12.1. მხარეები აცხადებენ, რომ გააჩნია ყველა საჭირო თანხმობა და ნებართვა იმისათვის, რომ დადოს ხელშეკრულება და განახორციელოს აღნიშნული ხელშეკრულებით გათვალისწინებული მოქმედებები.

12.2. ხელშეკრულებაში ცვლილებების შეტანა ხდება წერილობით, შესაბამისი მხარის ხელმოწერით და ძალაშია ხელმოწერის შემდგომ.

12.3. წინამდებარე ხელშეკრულებით გათვალისწინებული ყველა უფლება-მოვალეობები ვრცელდება ორივე მხარის უფლებამონაცვლებზე და წარმომადგენლებზე.

12.4. ყველა დანარჩენ შემთხვევაში, რასაც არ ითვალისწინებს წინამდებარე ხელშეკრულება, მხარეები ხელმძღვანელობენ საქართველოს მოქმედი კანონმდებლობით.

12.5. წინამდებარე ხელშეკრულების თანახმად, სახელშეკრულებო პირობები ატარებენ კონფიდენციალურ ხასიათს და ამ ხელშეკრულებასთან დაკავშირებული ყოველგვარი ინფორმაცია მესამე პირს (პირებს) გადაეცემა(თ) მოქმედი კანონმდებლობით დადგენილი წესით, ასევე, მხარეთა მიერ წინასწარი წერილობითი თანხმობის შემთხვევებში.

12.6. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას.

წერილობითი შეტყობინება, რომელსაც ერთი მხარე ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით, ხელშეკრულებაში მითითებულ მისამართზე, მხარეებმა მისამართის შეცვლის შესახებ უნდა აცნობონ ერთმანეთს არაუგვიანეს 5 (ხუთი) სამუშაო დღისა. მისამართის/ადგილსამყოფელის ცვლილების შესახებ ინფორმაციის მზღვეველისთვის/დამზღვევისათვის მიუწოდებლობის შემთხვევაში, მზღვეველის/დამზღვევის მიერ გაგზავნილი ნებისმიერი შეტყობინება ჩაითვლება დამზღვევის/მზღვეველის მიერ მიღებულად.

12.7. "წინამდებარე დაზღვევა გაცემულია „შრომის უსაფრთხოების შესახებ“ საქართველოს კანონისა და საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის №01-11/ნ ბრძანებით მოთხოვნების შესაბამისად.

12.8. წინამდებარე ხელშეკრულება შედგენილია ორ ეგზემპლარად და ორივე ეგზემპლარს გააჩნია თანაბარი იურიდიული.

13. მხარეთა იურიდიული მისამართები და ხელმოწერები:

“ შემსყიდველი”

„მიმწოდებელი“